

1 Pita

1 ¹I dere aŕeta, Yesu Kerisoné doteyale *apotel* whi Pitané dapó. I fota, Pontus, Kalesia, Kapadosia, Esia, Bitinia, i dosayayale hae kwiarapepaee dapo dapo yóló betó mole so whipaae dapó. Ti diata, Kótóné ama sókó su yóló kae betero betereineé, i haemó uké wale so whi kaae ai betere ape. ²Atéru, Aya Kótóné diā kaaraai teópa, ama tuéneitei mo ama so whitóro betero pólo sokósu erapó. Kótóné ama so whipólo atéro kae beterale alata, Deji Kepe Wisineitei eró betera pó. Aita, noa ala yaai ini, Yesu Kerisoné ama dere fo wosóló sya fóo, diā Talené ama so whipólo dāle mulótu, Yesuné samea apuróo yópo lo erapó. Kótóné ama hamokorólo hāle tao sere alaró hosaa muni deyólo mo dua betere alatamo, mo turó diā tuāpaee eraté fu betero pólo yae.

Nalo mo ti betere bete saalopólo haitamo Kótóné doi sóro horótu betae

³Dā tetéro lo kaae tare whi Yesu Kerisoné Alima Kótóné doi doasi mulópo lo, hale sóro horae. Ama dā doasi koleyólo tao suraalu, kisi so whi deyólo beteralepó. Atétere alata, Kótóné Yesu Keriso kepaarólo beteraleteineé, take waaire alimó dāpaakélé Talené mo ti beteraaire ala wisi eraalopólo haitamo bitiré fu betero pólo erapó. ⁴Atéro bitu, Kótóné dāpaee eraaire wisi alaró melaaire qlatamo hepen bemó ama mo wisiyólo kaae tarapó. Ai wisi wisi qlata aluyólo doni, mo ti hāle muó tawaalopó. ⁵Take kemetere alimó dā aluyaosóro, Kótóné mo ti betaaire ala hākearaai donoro betere be de teópatei āpaee tué tiki tiró betepa, me alané dā doraosóro Kótóné ama fotokó wase kaae diru, sesétu betera pó. ⁶Mió i betere alimó, kae kae sekeji alané diā kāe kolólo sū seremó dekeñé sukutepatei, mió ai waaire wisi ala saai dapólo kisipa mutu, diā doasi haitu betera pó. ⁷Ti diāpaee ai wale sekeji alané diaaq tué tiki tiró betere ala mo erapó yópo lo, kāe kolólo sū sirapó. Doasi *moni* sere qla *kold kapa* simó biliyólo mo qla alerótu dere kaae, sekeji alané diaaq kisipa tiki tiró betere ala kāe kolólo sū su betera pó. Kisipa tiki tiraterere ala kolósu, *kold kapa* kolósu depa, kisipa tiraterere ala doasi bete moleteineé *kold kapata*, ti doyólo mo aluyaalopó. Yesu Keriso wouraalu hākearaterere sukamó, atéro tué tiki tiró betere so whi feané kilitu, ita Talené ama kae ere de

wisinaaleró fotokõtamo eratapóló doasi doi mulóló, hale sóró horaalo ai ape. ⁸Take bitiré wou diaaḡ ḡ kelené kilinirutei, ḡḡaae hosaa muóo, miókélé kelené kilinipatei, kisipa tiróo erapó. Atéru, Kótó tuḡmó bole hai wisinaale diḡ tuḡmó ḡḡanetei, ai bete etérapóló me whḡné yó melaairetei mo sḡnipó. ⁹Ti noatepae, tuḡ tiki tiraté fóló kemene furaalu, saaire kwia ti mió diaaḡ mo su beteraḡó. Ti aita me kae mei, diḡ aluni tao sóró mo ti betaaire bete ai ape.

¹⁰⁻¹¹Ai kale bopeyale tao sere alata, mo take Kótóné fo erale kóló whḡrapapae kale Dḡi Kepe Wisiné Kerisopaae eraaire ala i ape yóló yó matepa, atimanémo mo so whḡpaae deté wou bitipakalepó. Ai fo dokonóturaalu, Kerisopaae sekḡi ala mo eróo, ai kḡlipaae hepen bemó doasi doi mulatere alaró mepaae wisi alatamo ḡḡaae eróo yaletei, mepaae ala ti eraai teórapó. Ai ala eraai teópa, kale kóló whḡrapené me noa alatamo touróló eraalorópóló kaae tawóo, ai ala metéli eraaloé yóló kaae taru, bete kekitu betóo, ipakalepó. Ai kale kóló whḡrapené bopeyale Kótóné hamokoróló tao sere ala mo dokonóturaalu, diḡpaae eratepa diaaḡ mo su beteraḡó. ¹²Talené ama kóló whḡrapapae i fo ḡḡkearóló erapó. Diaaḡ ai ditu betere kutóta, diḡ maaté tao saai dumi, take nalo betaaire so whḡkélé tao saaire kutó ai ditere ape yalepó. Mió ai kale fo wisi yó matere whḡrape, ó hepen bemó betere sekḡné dotonale Dḡi Kepe Wisiné fotokḡratepa, atimanémo diḡpaae yó melalepó. Ai fota me kae mei, take betale Kótóné kóló whḡrapené yó melale fotórótípó. Ai ala bete *ensel*-rape atimakélé tuḡ inireteiné, atima kelenée du beteraḡó.

Kótóné kele tó mó mo kae so whḡi betae

¹³Térapa, diaaḡḡei diḡ ḡḡeteróló kaae taru, Talené ala eraaire tuḡ betḡ muóo, Yesu Keriso ḡ ḡḡkeamó wouraaalu diḡ hamokoróló tao saaire alapaae betḡ hosaa muóo iru, siki siki yóló ama ala betḡ erótu betae. ¹⁴Take diḡ mo fo bete tuḡni ḡḡoko bitu, tó tikiné ekḡle yóló du betale bete munire ala momó kae yaḡse. Téni, diḡ ḡ beterepaae ape yale sekḡ ḡ mo kae biture kaae, diḡkélé atéru, naale senaale hama alimané dere fo mo betḡ wosóló, aḡmó betere kaae yae. ¹⁵Tétu, diḡpaae ape yale Kótó ḡḡa, me dowi alakélé muni mo kae biture kaae, diḡkélé me dowi alatamo hosekényi mo kae bitu, ama ala wisi maaté erótu betae. ¹⁶Ti noatepae, aḡémó ere fo i ape.

“ḡ me dowi alatamo hosekényi mo kae beteraḡa, diḡkélé ḡ ere kaae mo kae betae,” erapó.

¹⁷Diaaḡ Aya-ó, dḡ tao sae du betere sekḡ ḡḡa, so whḡ feané du betere ala taleturaalu, mepaae so whḡ wisiyóló kolóo, mepaae so whḡ wisiyóló kilini yóo, dere Tale meipó. ḡḡa mo feapaae betḡ kaae alatóró erótu betere Tale beteraḡa, diḡ i haemó uké wale so whḡ kaae bitu, ḡ kolóló witamo ama ala betḡ erótu betae. ¹⁸⁻¹⁹Ti noatepae, take diaaḡ ayarapené yó tawale

mepaae bete munire alarape diaaꝯ tokóló hꝯko deté faꝯsóró, Kótóné diꝯ dupuyóló tao salepó. Diꝯ atéró dupuyaleteita, doyóló aluyaaire ɔla *silpa kapa ó kold kapané* dupuni, mo wh̄iné *sipsip* hupu fopeyóló tikimó siri ó me ala inire hupu male Talepaae matere kaae, Keriso ꝯ sukuturaalu sókó fele mo doasi ke bole sameanétóró, diꝯ aluyaꝯsóró dupuyalepó. ²⁰Atei wisi ala Yesuné ama erǫpóló, haeró ere ɔlatamo kaaraai irutei, Kótóné ꝯ sókó sóró tukóló kaae beterélipakalepó. Téyaleteti, mió i kemetere alimó ama diꝯ tao saai dotɔyale wh̄ipóló, so wh̄i feané ꝯ kolǫpóló haꝯkearó beteraꝯ. ²¹Kótóné Yesu Keriso kepaaróló hepen bemó, mo kae ere de wisinaale tuꝯmó beteroꝯ beteraꝯ. Yesu Kerisoné ama ai yale alané diꝯ Kótópaae tuꝯ tiki tiró beteraꝯ. Téru, take nalo Kótóné diꝯpaae eraaire wisi alaró kisipa tiki tiratere alatamo Kótó tuꝯmó ai ere ape. ²²Diaaꝯ mió Kótóné bete mole mo fo wosóló sya foletimó, diꝯné dowi ala fea fokóló wisiró beteraꝯ, diaaꝯ no nepaae yaala sókó fole ala diꝯné hosaa mo turóné du betae. ²³Ti noatepae, diꝯ Kótóné ama naale senaale deyóló beteroꝯ beteraꝯ. Atéreteita, keꝯlaa yóló alutere kené deni, keꝯlaa initere kené derapó. Ti ai keta me kae mei, betere bete mulu Kótóné mo ti muó tare fonétóró diꝯ kisi so wh̄i deyóló beteroꝯ beteraꝯ. ²⁴⁻²⁵Ti noatepae, “So wh̄i fea i haemó betere alata, ne sélitu dere kaae yóo, atimané tikimó ere au wisinaalekélé haemó yó mole ne fua kaae yóo, erapó.

Nekélé hapale séli yóo, ne fuakélé hapale dulukó fóo deretei,
Talené ama fota, ti haꝯ muótóró tarapó,” erapó.

Aita me kae mei, mepaae wh̄iné diꝯpaae yó male fotóró ai ape.

2 ¹Atérapa, Keriso so wh̄i diꝯsisi me so wh̄ipaae dei tuꝯ mutere alakélé, me wh̄i dilikitere alakélé, wisire nisiyóló tó tikiné haꝯ sik̄ili dere alakélé, mepaae wh̄iné dere wisi alamó dei tuꝯ mutere alakélé, me wh̄i hamoma kae kae eratere fo yóló, só deratere alakélé, fea diꝯ tuꝯmó muaꝯsóró yae. ²⁻³Ti Yesu ꝯta, etei kaae Tale wisi beteraꝯpóló diaaꝯ kꝯae kolóló ai kisiparapa, diꝯ mo teó deyóló betere naale senaale awꝯ naai ekeꝯle du dere kaae, Kótóné diꝯ aluyaꝯsóró tao sere ala wisi mo ti doa yǫpóló, Deꝯ Kepe Wisiné matere ɔla betatóró ekeꝯle yóló nukulé fu betae.

Aꝯta mo ti betere kane epa, daꝯta ama sókó sóró kae beteroꝯ beteraꝯ

⁴Ti Yesu Kerisota, be hulua eleké dere kane fake kaae daalu, betere bete atóró ereteiné, diꝯ ꝯ beterepaae walapó. Mo so wh̄inéta, ai kane fake haꝯ ɔla kaae taae fatepa, Kótóné ama ti be teꝯtere kane fake wisipóló, ꝯ tokǫ sóró kae beteraꝯlepó. ⁵Atérapa, wh̄iné mo be teꝯtu dere kaae, diꝯ Kótóné ama ala eratere be daalǫpóló, diꝯkélé ai kane fake kaae ereteiné, ꝯ beterepaae wóló, ai ti betere kane fake tómó olekeyóló teꝯtu beteraꝯ. Aita, wh̄iné kelené keleteꝯe be meitei, Kótóné mo kae teꝯe momatere be daalu, diꝯ fea ama kae beteroꝯ betere momaratere faketóró aleró beteraꝯ.

Atéro, diꞑ Yesu Kerisoné fotokꞑratepa, so wh̄iné mo ɔla Talepaae haꞑe mótu dere kaae, Deꞑ Kepe Wisiné dꞑ tuꞑpaae eratepa, dꞑnémo Talené doi hale horóló, ama ala erótua dapó. Ai alarape Kótóné kilitu, mo wisirapóló ɔ doasi h̄kesetu berterapó. ⁶Ti noatepae, as̄ tuꞑmó Talené i fo dapó.

“Ē betere be hulua Saion-mó be t̄yaai fótukuróló kane fake wisinaale yaꞑotei fopeyóló sókó sóró i mulatapa kelae.

Mepaae so wh̄i detamo ɔpaae tuꞑ tiki tiró betepa, ti ai so wh̄i hale dere alakélé mo yaalomeipó,” erapó.

⁷Tuꞑ tiki tiró betere so wh̄i diꞑnéta, ai kane fake wisinaale mo doasi bete mulapó, dua dapó. Tépat̄ei, tuꞑ tiki tirénire so wh̄imó kisipa mutu, i fo as̄rapó.

“Be t̄etere wh̄irap̄ené dorapóló haꞑe ɔla kaae taae farale kane faketei, be t̄yaaire kane fake wisinaale alée felepó,” erapó.

⁸Me fo i ape.

“Ai kane fakené wh̄i kotóo sóró, dée nalóo, dua dapó,” erapó.

Atéro dée nokole alata, haꞑe mei, Kótóné ama fo wisi wosóló sya feni dereteiné, atima dée nukua dapó. Aita, haꞑe mei, Kótóné i ala yaalopóló, ere fo dokonóturaalu dapó.

⁹Atima ai ala erapa, diꞑ take diliki tuꞑmó berteretei taaróló, mo kae ere d̄e wisinaale tuꞑmó betaai ape yale sek̄né doi hale horóppóló, diꞑ ama sókósu yóló kae beteró berterapó. Téru, diꞑ t̄eteróló kaae tare topo wh̄i Yesuné tuꞑ mole ala eróturaalu, momaratere so wh̄i betóo, ama kae betere t̄eteróló kaae tare ala tuꞑmó so wh̄i betóo, Kótóné mo ama so wh̄itóró betóo, erapó. ¹⁰Taketa, diꞑ Kótóné so wh̄i bitinitei, mió ama so wh̄itóró betóo, take Kótóné diꞑ k̄leyóló tao sinit̄ei, mió ama k̄leturaalu, tao sóo, erapó.

¹¹Yaꞑo mo hosaa mole no nerape-ó, diꞑ i haemó uké wale so wh̄i kaae berterapa, tó tikiné ek̄leyóló du betere dowi ala yaqsóro, tika kae betae yóló, diꞑpaae mo dirii ma fo i dere ape. Ti ai dowi alanéta, diaꞑ tiki tuꞑmó betere kepet̄ei só deróló dorótu berterapó. ¹²Diꞑ i haemó mo so wh̄itamo hosekéyóló ai berterapa, mo wisi alatóró erótu betae. Mo haꞑe betere so wh̄iné diꞑ dowi ala dapóló ai só derótu betere ape. Ai fo du betere so wh̄i atima diꞑné dere wisi ala kilitu, kisipa feteyóló Talepaae wapa, Kótó dꞑ berterepaae wale sukamó atétere so wh̄inétei, ama doi doasi munaalo ai ape.

Doasi topo wh̄iró t̄eteróló kaae wh̄irap̄etamo ɔmó betae

¹³⁻¹⁴Ti Tale ɔta, fea ala amatóró t̄eteró berterapa, diꞑ ama doi sóro horaai, i haemó mepaae kae kae ala t̄eteróló kaae tanóppóló sóro beteró betere wh̄irape ɔmó betó muae. Téru, t̄eteróló kaae tare topo wh̄i ɔmókélé betóo, ai sek̄né dotonatere mepaae ala t̄eteróló kaae tare wh̄irape ɔmókélé betóo, yae. Ti ai wh̄irapeta, dowi ala du betere so wh̄imó dowi kwia melóo,

wisi ala du betere so wh̄i ti dukiróo yǒpóló, sóró beteró beterapó. ¹⁵Ti noatepae, Kótóné ama kisipanéta, diaaḡ du betere wisi alanétei, ai topo dore wh̄irapené diḡ só deróturaalu du betere h̄oḡo forape alurǒpóló kisipa mutapó. ¹⁶Ti diḡta, dowi alané dokóló *dipula* kaae beteró bitini, haḡe betere wh̄i ai beterapa, atérótóro betae. Atéro haḡe beterapóló kisipa mutu, diaaḡ me dowi ala yaai mole tuḡ tiki so wh̄iné kelaḡsóró, me alané diḡ t̄eteró kaae tanipó dere foné husuraḡse. Aténi, Kótóné ama kutó diratere so wh̄itóro betae. ¹⁷So wh̄i feapaae fo ó mepaae alarape erótu, atima mo wh̄ipóló kisipa muóló, mo donoi alatóro erótu betae. Atéturaalu, diḡ fea betḡ alatóro iru, kisipa tiki tiró betere hamomatamo hosaa mo turó mulu, yaala sókó fu betae. Kótó ḡta, doasi Tale beterapa, ḡ kilitu wiyóló betae. Téturaalu, kale t̄eteróló kaae tare topo wh̄iné doikélé sóró horótu betae.

¹⁸Wae sóró kutó diratere so wh̄i-ó, diḡ t̄eteróló kaae tare wh̄irapené dere fo wosóló, atima aḡmó betó muae. Naameyóló mo dua bitu, wisi ala dere wh̄irape aḡmó maaté bitini, mepaae deteraa ere wh̄irape aḡmókélé dua betae. ¹⁹Ti noatepae, me wh̄i dowi alakélé inipatei, mené ḡ fokosói ala depa, ai sek̄ei alané ḡ só deréni, Kótó mo beterapóló kisipa mutu, haḡe beletétóro fu betepa, ti wisi ala dapóló ai wh̄i dukiranérapó. ²⁰Tépatei, me wh̄i ama yale dowi alamó ḡ fokosói ala depakélé haḡe beleté fu beteremó so wh̄iné ḡ dukiranénipó. Diaaḡ wisi ala deremó mené diḡpaae eratere sek̄ei ala haḡe beleté fu betepa, ti Kótóné keletómó mo wisi ala dapóló dukiranérapó. ²¹Diḡ Talené ḡ beterepaae ape yaleteita, ai ala yaasepóló yalepó. Ti noatepae, ama yale ala diḡné kolóló s̄uróló yǒpóló kisipa mutu, diḡ tao suraalu Keriso ḡ doasi sek̄e salepó. ²²Aḡmó kisipa mutu i fo as̄erapó.

“ḡta, dowi ala mo betḡkélé ini yóo,

so wh̄i dilikóló kapala fo sawakélé ini yóo, yalepó,” erapó.

²³Atimané ḡ só deróló mo dowi faletere ala depatei, amamo atimapaae tokḡ matere ala mo inipó. ḡ doasi sek̄e suraalu, diaaḡ ḡpaae etei kaae ala eralemó, yaḡo diḡpaae tokḡ mótu, i ala eraalopó fo inipó. Tokḡ matere ala taalaturaalu, mo donoyóló talere sek̄éné ḡ kaae tawǒpóló, ama betere bete Kótóné ama naase tuḡmó mulalepó. ²⁴Dḡné dowi ala yaai mutere kisipata, ti wh̄i mo sukutu dere kaae suk̄o, Talené mo donoi ala yaairaalu, ti wh̄i mo biture kaae betóo, yǒpóló, dḡné dowi ala ama tikimó sóró, ḡ filipaa ni tó mó suk̄alepó. Téturaalu, ama tikimó kae kae susupu saleteiné, dowi alané diḡ sukunaai yale ala mo ti kemeró beterapó. ²⁵Ti diḡta, *sipsip* hupu fokó fu dere kaae, take diḡ kǒpaae feletei, mió diḡ momó ai hupu kaae tare wh̄i aḡmó betaai, fesaae walepó. Ai sek̄e ḡta, diḡné kepe betekélé t̄eteróló kaae tare wh̄ipó.

Dokore so wh̄ipaae dere ma fo

3 ¹⁻²Atére kaae, wh̄iné dokore sorape diḡkélé diaaḡ wh̄irape aḡmó betae. Ti noa ala yaai meipó. Diḡ dokore wh̄irape mekó Talené fo wosóló

tué tiki tirénipa, diaaotei i ala yae yóló sę yaose. Téni, diané dere ala me alatamo hosekéni yóo, Tale mo beterapóló ą aqmó bitu, mo wisi ala maaté yóo dere kilituraalu, atima kőleaanétei kisipa feteyóló Talepaae tué tiki tiranérapó. ³Mepaae so whjné, dią sorape diaaą tó tikimó ere au kilitu, mo kokqrapó yópóló tó tiki maaté aurótu betaose. Kae kae ęlané diané topo niki dokóo, *kold kapané* aleyale naase bi ó depa dere meleke ó oleratere kao ó doasi *moniné* duputere kuti wisinaale horóo deretei, doasi bete mole nisiyóló atei kaae ęla ęlané aurótu betaose. ⁴Téni, dią kokq yópóló dere auta, ti mo hosaa tuąmó erópóló yae. Ti aita, naameyóló mo dua betere ala naao kepe tuąmó epa Kótóné kilituraalu, ita mo bete mole kokqi au erapóló kisipa mutapó. Ti atei kaae kokqi auta, doyóló alu deté feni, mo ti yó tawaalopó. ⁵Take mo kae beteró betere sorapekélé nalo Kótóné atimapaee wisi ala eraalopóló kisipa mutu, atei kaae kokqi au dua ipakalepó. ⁶Ti Serané oma Abraham-paae ą tetéróló kaae tare whj-ó yóló, oma aqmó bitu yale kaae, mepaae mo kae beteró betere sorapekélé, atimané whj aqmó bitipakalepó. Sera ą atéró oma aqmó bitu yale kaae, dią wiyóló furu furu ini, wisi alatóró eraté fu betepa, ti Serané ama senaalerapetóró ai betere ape.

⁷Dią so dokore whjrape-ó, sorapepaae yale fo kaae, diąpaaekélé i dere ape. Dią diaaą sotamo betąmó bitu, sota whjtamó sųni bėrapóló kisipa mutu, tao sóró wisi ala maaté erótua yae. Ti noatepae, naao so diaamo wusuró Talené hamokoróló hąle matere mo ti betere bete saaireteiné, diaamoné momatere ala me alané sesėyaqsóró, ma fo i dere ape.

Mepaae sekęi ala eratepa tokq meni, wisi ala betą erótu betae

⁸Kemerótu dere ma fo me i ape. Me ęlamó arale sóró huri dere ala ini, dią fea mo betą tué muóló, dua betó muae. Atėru, me whj hamoma sekę supa, ó deķenė sukutepa, ti diaaą hosaamókélé suraalu, kőle yóló tao sae. Tėtu, diątei deróló mo dua bitu, no netamo yaala sókó fu betae. ⁹Menétamo diąpaae dowi ala eratepa, diaaąmo atimapaee tokq melaose. Ti noatepae, Talené ama wisiratere ala diané sópóló kisipa mutu, ą beterepaae ape yalepó. Atėrapa, mené dią eratere fo depakélé tokq meni, Talepaae atimatei wisirae fotei yae. ¹⁰Ti noatepae,

“Dią mepaae so whj de wisiyóló hęeketamo bitiré faai depa, ti ai so ó whj ama dere dowi foró kapala fotamo ini, kisipa tekeyóló mo hotowaró betenėrapó.

¹¹Tėru, dowi ala yaaire tųpaae feni, woleyóló wisi ala maaté du bitu, hosaa muni deyóló mo dua betae. Aita, mo doasi topo alapa, Talené dią tuąpaae erópóló, ketekę butu betae.

¹²Ti noatepae, donoi ala du betere so whjta, Talené wisi kisipatamo kaae tawóo, atimané dere momakélé wosóo, dua dapó. Tėpatei, mepaae so whjné du betere dowi alamó Kótó ą felé inipa, ama atima sisópaae erótua dapó,” erapó.

¹³Diaaḡ wisi ala yaai ketekę bupa, ti né diḡ doraaloé? ¹⁴Tépatēi, diaaḡ mo donoi ala deremótei, mené diḡpaae sekęi ala eratepa, me ḡla meipó, Talené dḡ wisiró beteraḡo kisipa muae. Ti ašemó i fo erapó.

“Atima me sekęi ala kolóló witeretei diḡné kilitu, ai alamó diḡ wiyaaḡse,” erapó.

¹⁵Téni, diaaḡ hosaa tuḡmó Keriso ḡta, dḡ tęteróló kaae tare Talepóló, diḡ ḡ aḡmó sukóló betae. Atépa, mepaae whinė diḡpaae woseturaalu, take nalo wisi ala kelaalopóló suka fea haḡtu betere-a, noa betené de? depa, atimapaee tokḡ melaaire fo donoróló tawae. Atimané atéro wosetere fo tokḡ móturaalu, ḡkélé Talené aleyóló betero beteraḡóló kisipa mutu, naameiné mo dua yae. ¹⁶Ti noa yḡpóló meipó. Diḡ Keriso tuḡmó bitu, du betere wisi ala mepaae whinė kilitu, dei tuę muóló diḡ só deraalotei, nalo atimané yale ala kisipa duraalu, hḡko ala yalepóló atima haleyaalopó. Até yḡpóló diaaḡ hosaa tuḡmó me ala dekaaporóló muni, mo wisi tuętamo mo alatóróti erótu betae. ¹⁷Diḡ dowi ala deremó sekę supa, aita dukiratere ala meipó. Kótóné ama kisipa mole ala wisi erateremó diḡpaae sekęi ala eratepa, ti wisirapóló kisipa muae. ¹⁸Ti noatepae, donoi ala initere so whinė dowi ala kwia tokḡóló aluraairaaalu, kale donoi ala dere sekę Keriso ḡ mo betḡ félitóró sukḡletei, momó kae sukḡalomeipó. ḡ atéro sukḡleteita, diḡ dapesó fóló, Kótótamo betḡmó beteraai yalepó. ḡ sukḡpóló dele alata, ti mo hae whı tiki daayóló betepa daletei, momó kepaayóló beteraleteita, ti mo kepené dere ala tuḡmó kepaaralepó. ¹⁹ḡkélé kepetóró bitu, kepené dere ala sya fóló, kale *dipula* betero betere keperapepaae fo yó melale felepó. ²⁰Ti ai keperapeta, Noané nuku aleyale sukamó Kótóné fo tikitu betepa, ama atima hapale kwia matere ala ini, dua kaae taté fu bitipakalepó. Ai alimó betale so whı mo fea weiné aluróló, 8-ró so whı maaté haşókó fóló, weiné sóró kutu betepa atima aluyaḡsóró, Kótóné tao serapó. ²¹Ti take Noa betale alimó, weiné so whı aluraleteita, dḡ mió i alimó Yesu tuḡmó weı tóputere so whı aluyaḡsóró, Kótóné tao saaire alapaae dó faróló erapó. Ti weı tóputere alata, tó tikimó ere bólu fokaai dumitei, dané hosaa tuḡmó mole tuę tiki Kótóné ama keletómó mo wisirapó yḡpóló, daḡle mulótu beteraḡo. Ti Yesu Keriso ḡ kepaayóló betereiteiné diḡ aluyaḡsóró tao su beteraḡo. ²²Ai sekę ḡ hepen-paae fóló, Kótóné turu naase demó betepa, *ensel*-rapekélé, mepaae ala tęteróló kaae tare doasi doi mole keperapekélé, doasi fotokḡ bole keperapekélé fea ḡ aḡmó sukóló betó mulapó.

Sekęi ala wapakélé Talené ala betḡ haḡle erótu betae

4 ¹Térapa, Keriso ḡ mo hae whı tiki daayóló bitu, doasi sekęi ala serapa, diḡkélé ama muale tuę kaaetóró muóló siki siki yóló betae. Ti noatepae, mepaae whı sekęi ala supa, ti ama du betale dowi ala momó kae enénipó. ²Ai sekęi ala sale whı i haemó haḡle bituraalu, tó tikiné

ekçlere dowi ala yaai kisipa muni, Kótóné kisipa mole ala eraai bitiré faalopó. ³Ti noatepae, diç take Kótóné fo woseni haçle betale sukamó, mo haçle betere so whiç atima kisipané yaaitere ala sya fóló du betale kaae diaaokélé du betalepó. Ti ateï ala diaaok sümó yalepa, mió mo ti taalae. Ti haçle betere so whiné dere alarapeta, i ape. Haçkeamó mo sonaalei nópu nokole alakélé, au nokole alakélé, wçi dekeró nóló dere dowi alakélé, touróló çla deteremó çlaró wçitamo dekeró nokole alatamokélé, haçle hçko du betere kae kae dowi alakélé, kuturaalu hçko deté kotere dowi alakélé, bete muni sonaalei kapala kótópaae moma dere alakélé, fea deté fu beteraçpó. ⁴Atima beteroç betere sere çla çlatamo haçle hçko sonaalei ala du betereineç, haçle besekerótua dapó. Ai ala diçnekélé tokóló initepa, atimané diç faleyóló kae kae eraterere forape mo dekeró du beteraçpó. ⁵Ti ai ala du betere so whiç taleyaaire ala haçsóko feni, mió betere so whiçró sukçle so whiçtamo taleyaaï donoró betere sekçné taleturaalu, atimapaee diçné yale ala fea yae depa, me alakó hiraaire tuç muni, mo fea haçkeamó enéraçpó. ⁶Atére betené, sukçle so whiç atima sukçai haçle betepatei, mené kale fo wisi atimapaee yó malepó. Ti aita haçle mei, i haemó tó tikiné dere ala sya fóló, taletu betere so whiç taleyóló só deróo, kepené dere ala tuamó betepa, Kótóné ama taletere ala atimapaee eraleteinëç mo betóo yaalopó.

⁷Mió i haemó mole alarape fea kemetere be deç felekemó sóko waai dapó. Térapa, Talepaae momatere ala mo wisiyóló yaasepóló diaaok kisipa mo diriyóló bitu, tó tikiné yaaitere ala yaçsóroç mo hotowaró teçteróló kaae tawae. ⁸Fea ala teçteró betere doasi topo ala i ape. Diaaok hosaa mo turóné diçsisi yaala sóko fu betae. Ti noatepae, yaala sóko fole alanéta, fea dowi ala munire aoróló husiratapó. ⁹Diaaok bepaee wale uké whiçrape dape suraalu me fo ini, mo wisi kisipatamo dape sae. ¹⁰Diç feané kae kae wisi ala eróçpóló, Kótóné diç haçle matere ala wisi séle séle dokçralepó. Atérapa, Kótóné yaçpaae noa alakó eróç betepa, ti naaomo haçle hamokoróló matere ala taaréni, so whiç mo wisiyóló tao sóroç erótua yae. ¹¹Mepaae whinétamo, Kótóné fo yó mótu betepa, haçle hçko fotamo touréni, Kótóné ama mo fotóroç kutirimó mulóló, mo hotowaró yó mótu betae. Mepaae whinétamo Kótóné so whiç tao saai depa, ti Kótóné aç matere fotokçnéç tao sóroç erótua enéraçpó. Ti aita, diaaok kae kae du betere ala fea mepaae so whiné kilituraalu, ita Yesu Kerisoné yale alané erapóló Kótóné doi hale sóroç horóçpóló dapó. Ti aça, mo kae ere deç wisinaaleró doasi fotokçtamó bole Talepa, ama doi hale horóló suka fea mo ti muó tanóçpóló yae. Mo kée. Téyóçpóló yae.

Kerisopaae erale sekçi ala kaae, yaçpaaekélé eratepa kilita sóko façse

¹²Yaçloç hósaa mole no nerape-ó, me whiné diçpaae susupui ala eratepa, aita diçné tué tiki tiró betereitei kçae kilitu dere alapa, kisi ala nisiyóló

diã kilita sókó faqse. ¹³Téni, take Kerisopaae erale sekei ala kaaetóro, mió diãpaaekélé ai eratapa, mo kée yóló hajné sukutu betae. Ti noa ala yaai mei, take nalo Keriso wale sukamó, ama kae ere de wisinaale haķearatapa kilitu, mo kée yóló doasi hajné sukãalopóló kisipa mutu dapó. ¹⁴Kerisoné doi diaaõ tikimó dakeró betereleiné, mené diã faleylóló eratere fo depa, Talené ya wisiró beteraféló kisipa muae. Ti noatepae, Kótóné mo kae ere de wisinaale faane Kepe Wisi diã tuãmó betero beteraféló. ¹⁵Tépatéi, diãkó me whinétamo whi dóló sukunatere ala ó, qlémi nokole ala ó, kaae tare whirapené fo tukóló kae kae dere dowi ala ó, mené dere ala fasóló deremó diãpaae sekei ala eratepa, aita Keriso so whiné dere ala meipóló haleturaalu wi yae. ¹⁶Tépatéi, Kerisoné ala erótu betereimó, mené diãpaae sekei ala eratepa, hale yaqse. Téni, diaaõ tikimó Kerisoné doi moletéiné dapa, Kótóné doi betã hale sóró horótu betae. ¹⁷Ti noatepae, da Kótóné ama naale senaale bitu du betere ala tale yaaire be de kaae sere aqrapó. Ama taleylóló kwia matere ala kaae suraalu dãpaaepi eróló, nalo kemerótu ti Kótóné ama fo woseni, dowãae fóló tikitu betere so whipaae, mo doasi sekei ala eraalo meipóló kisipa mute? ¹⁸I fo erapó.

“Donoi so whitamo sekei ala su betepa, Talené ama tao saaire ala hapólupa, ti Kótóné fo woseni, dowãae fóló dowi ala yó tare so whi tao saaire ala mo doasi hapólunipóló kisipa mute?” erapó.

¹⁹Térapa, Kótóné ama kisipa mole ala erateremó, sekei ala su betere so whi diã kaaróló beterele sekéné ama diã tao saalopóló kisipa mutu, aãpaae tué tiróló wisi ala betã yó tanérapó.

So whi kaae tare whi disiraperó teyó whirapetamopaae dere fo

5 ¹Diã tuãmó betere so whi tetéroló kaae tare whi disirapepaae dirii ma fo i dapa wosae. Ekélé diã ere kaae, so whi tetéroló kaae tare whi disi bitu, Kerisopaae erale sekei ala yaalo kelené mo kelaletéi, so whipaae yó mótu beteraféló. Atéru, Kótóné ama kae ere de wisinaale so whiné kolóféló haķearatere be demó, ekélé ai de wisinaale saaire whi bitu, diãpaae dere ma fo i dapa wosae. ²Kótóné ama so whi tetéroló kaae tawae yóló diã sóró ai betero betera, ai so whi me ala yaqsóro mo hotowayóló kaae tawae. Me whiné diãpaae i ala yae yóló setere fo woseni, Kótóné ama kisipané diaaõ yófélófé ere ala betã tué muóló, wisi kisipatamo erótu betae. Doasi *moni* saai dapóló ekle dere ala ini, so whi hale tao saaire ketekẽ betã bulu du betae. ³Talené diãpaae kaae tawae ere so whi kaae taru, diã doasi topo whi aqyóló kaae tani, mepaae Keriso so whiné diaaõ du betere wisi ala kolóló diã sya wóféló, wisi ala diaaõpi kaae sóró yae. ⁴Atéro betepa, Kótóné *sipsip* hupu kaae tare topo whi a sókó wouraaalu, Kótóné ama kae ere de faane doi mole topo tao diãmó matepa saalo ai ape. Ti ai kokõ au wisinaale ere topo tao dokélé ini, mo ti muó tawaalopó.

⁵Diã teó whĩrape-ó, kale whĩ disirape Tale aq̄mó sukóló biture kaae, diãkélé ai whĩ disi aq̄mó betae. So whĩ diãsisi u t̄eterótu i t̄eterótu ini, naameyóló dua betere ala kuti kaae deróló betae. Ti noatepae, aq̄mó i fo erapó.

“Mepaae bopé faketera so whĩné yaaitere ala Kótóné ama sesé yóo, naameyóló dua betere so whĩ ti ama hamokoróló tao sóo, dua dapó,” erapó.

⁶Térapa, Kótóné ama kisipa mole sukamó diã tao sóró dukirópóló, ama fotokóné t̄eteróló betere aq̄mó naameyóló mo dua betae. ⁷Diãta, Kótóné hosaa mole naale senaale betereiteiné, ama diã mo wisiyóló kaae tarapa, diaaḡ enée yóló whaalía du betere sek̄i ala fea ama wisi eraté fu beterópóló aḡaae melae.

⁸Diaaḡ tó tikiné du betere ala hotowaró t̄eteróló kaae taru, kele diriyóló betae. Kale whĩ dó nokole bete haḡ *laiyon*-né whĩ dóló naai keketé kutu dere kaae, diãné bóe whĩ Satan-né diã doraaire tu keketé kutu beteraḡ. ⁹Ai sek̄éné ama kisipa mole ala diãpaae eraḡsóró, wisiyóló kaae taru, Talepaae tuḡ tiki tiró betere alané dirii tipi kaae yae. Ti noatepae, ai kaae sek̄eta, diãpaae maaté mei, i hae kwia feamó betó mole diãné no nerapekélé bet̄a kaae sek̄etóró su betereitei diaaḡ kisipa muae.

¹⁰Ti diã Yesu Keriso tuamó betepa, Kótóné ama hamokoróló tao sere ala, mo dekeró erótu beteraḡ. Ai ala du betere Kótóné kae ere deḡ wisinaale tuamó betaasepóló, diã ape yalepó. Sawa sukamó diã mepaae sek̄e siré fu betepa, atéyale sek̄éné diã haepaae derepéni diriyóló beterópóló, amatóró diã fotokḡ bulóló, mo ti s̄uraalópó. ¹¹Ti aḡa, mo doasi fotokḡ bole Tale beteraḡ, so whĩ feané aḡ dukiraterere ala haḡe yó tanópóló yae. Mo kée. Téyópóló yae.

Mo kemeróturaalu k̄leó dere fo

¹²Yálo kisipané Sailas aḡa yálo mo no bitu, Talené ala eró tare whĩ wisipó. Atéru, ama eḡ tao supa, yálo diãpaae mo haḡlekeróló aḡeyalepó. Yálo ai yale aḡeta, Kótóné hamokoróló tao sere ala diãné tuḡ yópóló yó melóo, Talené ala erópóló ketek̄e bulóo yalepó. Téyalepa, Diã ama ai hamokoróló tao sere ala tuamó diriyóló betae.

¹³Talené sókó su yóló diãtamo betamó betero betere no nerape atima Babilon be huluamó bitu, diãpaae k̄leó dapó. Yesuné yale ala tuamó yálo naale s̄utóró betere whĩ Mark-nékélé diãpaae k̄leó dapó. ¹⁴Diãsisi yaala sókó furaalu, k̄leó yóló aputu betae. Talené hosaa muni deyóló dua betere ala Keriso tuamó betó mole so whĩ diã fea tuamó mulópóló yae.